

DEIALDIAREN OINARRIAK LANGILE BAT KONTRATATZEKO, ALDI BATERAKO ETA LAN ERREGIMENEAN, HAUTATZEKO PROBEN BIDEZ, DONEZTEBEKO TURISMO BULEGOETAN PUBLIKOARI ARRETA ETA INFORMAZIOA EMATEKO UDA GARAIAN.

1. oinarria. Deialdiaren xedea.

Deialdia iragartzen da herriko turismo bulegoan publikoari arreta eta informazioa emateko langile bat kontratatzeke, aldi baterako lan kontratuekin, eta hautapen proben bitartez.

Lansaria: lanpostuak Nafarroako administrazio publikoen zerbitzuko langileen C mailari dagozkion oinarrizko lansariak izanen ditu, gehi %12 (mailako osagarria), Nafarroako Administrazio Publikoen zerbitzuko Langileriaren Estatutuaren arabera.

Kontratuaren iraupena: 2 hilabete (2023ko uztailaren 3tik irailaren 3ra bitarte).

2. oinarria. Izangaiek bete beharreko baldintzak (eskabideak aurkezteko epea bukatzen den egunean):

a) Espainiako nazionalitatea izatea edo Europar Batasuneko estaturen batekoa edo, Europar Batasunak izenpetu eta Espainiako Estatuak berretsitako nazioarteko tratatuen arabera, langileen joan-etorri askea aplikatzen den estaturen batekoa.

Parte har dezakete, orobat, espainiarren eta Europar Batasuneko beste estatuetao herritarren ezkontideek, edo aipatutako nazioarteko itunen aplikazio eremuan sartutako estatuetao herritarren ezkontideek, zuzenbidez bereizita ez badaude; halaber, haien ondorengoek eta ezkontidearenek, zuzenbidez bereizita ez badaude, 21 urtetik beherakoak badira edo, hortik gorakoak izanez gero, haien kontura bizi badira.

b) Hamasei urte beteak izatea eta nahitaezko erretiroa hartzeko ezarritako adina gaintua ez izatea.

c) Batxilergok tituluaren jabe izatea edo Lanbide Heziketako 2. graduako tituluarena, edo horien baliokidea, edota eskabideak aurkezteko epea bukatu baino lehen titulua eskuratzeko eskubideak ordaindu izanaren gordekinarena.

Atzerrian lortutako tituluak badira, homologazioaren frogagiria eduki beharko da.

d) Lanpostuaren eginkizunak betetzeko behar diren gaitasun fisikoak eta psikikoak izatea.

e) Eginkizun publikoetan aritzeko ezgaitua edo gabetua ez egotea eta administrazio publikoren baten zerbitzutik bereizia izan ez izana.

f) Euskarazko hizkuntza gaitasuna egiaztatzen duen Europako Erreferentzia Esparru Bateratuaren C1 mailako titulua edo baliokideren bat izatea. Titulazio hori ez daukatenek eskatutako hizkuntza mailaren proba bat gaintuta frogatu ahalko dute ezagutza hori, Nafarroako administrazio publikoetan, beren erakunde publikoetan eta menpeko dituzten

zuzenbide publikoko entitateetan euskararen erabilera arautzen duen azaroaren 15eko 103/2017 Foru Dekretuan ezarritakoari jarraituz (3. xedapen iragankorra). Proba hori Foru Komunitateko Administrazioak egingo du eta interesdunek deialdian parte hartzeko eskabidea aurkezterakoan eskatu beharko dute (I. eranskina).

3. oinarria. Eskabideak.

3.1. Eskabideak Doneztebeko Udaletxeko Erregistroan aurkeztu behar dira edota 39/2015 Legeko 16.4 artikulua jartzen dituen baliabideak erabilia.

Eskaera posta bulego batean aurkeztuz gero, gutun-azal ireki batean aurkeztuko da, postako langileek data eta zigilua jar diezazkioten eskabideari, ziurtatu aurretik. Gainera, Doneztebeko Udalari jakinarazi beharko zaio posta elektronikoz (santesteban@doneztebe.es); betiere, aurkezteko epearen egun eta orduen barrenean.

3.2. Eskabideak deialdi honen I. eranskinean agertzen den ereduaren arabera izanen dira, eta haietan izangaiek adierazi behar dute betebeharrak guzti-guztiak betetzen dituztela eskabideak aurkezteko epearen azken egunean.

3.3. Epea: Interesdunek eskabideak aurkeztu ahalko dituzte **2023ko ekainaren 23ra arte**. Egun hortako ordu hauetan bukatuko da epea:

- Aurkezpen pertsonala Doneztebeko Udaletxeko Erregistroan: **13:30**.
- 39/2015 Legearen 16.4 artikuluko baliabideak erabiliz aurkeztuz gero: **23:59**.

3.4. Eskabidearekin batera dokumentazioa konpultsatua aurkeztu behar da: NAN, 2 c) eta f) oinarrietako tituluak (edo titulu horiek eskabideak aurkezteko epea bukatzen den egunean eskuratzeko baldintzak betetzen dituela frogatzen duen agiria).

4. oinarria. Epaimahai kalifikatzailea.

4.1. Honako kide hauek osatuko dute epaimahai kalifikatzailea:

- Lehendakaria: Doneztebeko Udaleko alkatea.
Ordezkoa: Izendatutako udaleko zinegotzia
- Mahaikidea: Doneztebeko Udaleko zinegotzia.
Ordezkoa: Izendatutako udaleko zinegotzia.
- Mahaikidea: Irantzu Pastor Ordoki, Baztan-Bidasoan turismoa garatzeko turismo teknikaria, Cederna-Garalur.
Ordezkoa: Itxaso Aleman Damboriena, Cederna-Garalurreko garapen agentea.
- Mahaikidea: Doneztebeko Udaleko Kontuhartzailea.
Ordezkoa: Izendatutako ordezkoa..
- Mahaikidea: Doneztebeko Udaleko idazkaria.
Ordezkoa: Izendatutako ordezkoa.

4.2. Epaimahaia ezin izango da eratu, ezta jardun ere, gutxienez kideen gehiengo osoa bildu gabe. Epaimahaiak gehiengoz ebatziko ditu deialdiko oinarrien interpretazio eta aplikazioari buruz sortzen diren gorabeherak. Epaimahaiak aholkulari adituen laguntza izan dezake proba batzuetan nahiz guztietan.

5. oinarria. Probak.

5.1. Euskara proba. Hautapen probak hasi baino lehen, deialdi honetako 2 F) oinarrian eskatutako baldintza agiriekin egiaztatu ez dutenek egin beharko dute euskara proba.

Proba baztertzailerik horretan azterketak egin beharko dira pertsona horrek deialdi honetan eskatzen den hizkuntza-mailari dagokion gaitasuna duen ala ez egiaztatzea xede. “Gai” edo “ez gai”tzat hartuko dira hautagaiak. Proba gainditu beharko da gainerako probak egin ahal izateko. Egitera aurkezten ez direnak baztertuak izango dira.

Euskarako proba 2023ko ekainaren 27an, goizeko 9:00etan, udaletxean egingo da.

Ondoren, egun berean, 2023ko ekainaren 27an, gainontzeko frogak egingo ditugu.

5.2. Proba teorikoa: Galdera labur eta/edo test motako batzuei erantzun beharko zaie,

Epaimahaiak zehaztuko du proba hori egiteko gehieneko denbora, eta 30 puntu emango zaizkio gehienez. Galdera guztien hasierako balorazioa berdina izango da. Erantzun okerrak ez dira zigortuko. Proba ez da baztertzailerik izanen.

5.3. Doneztebe buruzko ahozko proba: Doneztebe eta eskualdeko turismo-baliabideen ezagutzari buruzko ahozko proba egingo da euskaraz.

Epaimahaiak erabakiko du probaren iraupena. Puntuazioa: **20 puntu** gehienez ere, honela banatuak:

- Doneztebe eta eskualdeko turismo-baliabideei buruzko ezagutza maila: 10 puntu arte.
- Gizarte eta komunikazio trebetasunak (komunikazio estiloa, soltura, gorputz hizkuntza, ahots-doinua, inprobisazio gaitasuna, autoestimua, bizitasuna, gogoberotasuna): 10 puntu arte.

Proba ez da baztertzailerik izanen.

6. oinarria. Kontratazioa egiteko izangaien zerrenda.

6.1. Izangaien kalifikazioa bukatu ondoren, epaimahaiak aldi baterako kontratazioa egiteko izangaien zerrenda argitara emanen du Doneztebeko Udaletxeko Iragarki Oholetan eta web orrian, lortutako puntuaren arabera.

6.2. Berdinketa egonez gero, berariazko proban lortutako puntuazioaren arabera erabakiko da. Hala ere berdinketa mantenduz gero, jendaurreko zozketa egingo da.

6.3. Izangaien zerrendan hurrenkera jartzeko kontuan hartuko da hautapen probetan lortutako puntuazioa, handienetik hasita.

6.4. Epaimahaiak Alkatetzari bidaliko dio prozeduraren ostean osatutako zerrenda, aldi baterako kontratazioak egin ahal izateko.

7. oinarria. Errekurtsoak.

Deialdi honen oinarrien aurka edo berau aplikatzeko egintzen aurka, hautara, ondoko errekurtsoetako bat aurkez daiteke:

- a) Berraztertze errekurtsoa, egintza burutu duen organo berari zuzendua, hilabeteko epean, hura jakinarazi edo argitaratu eta biharamunetik hasita.
- b) Administrazioarekiko auzi-errekurtsoa, Nafarroako Justizia Auzitegi Nagusiko Administrazioarekiko Auzien Salari zuzendua, bi hilabeteko epean, errekurritutako egintza edo erabakia argitaratu edo jakinarazi eta biharamunetik hasita.
- c) Gora jotzeko errekurtsoa, Nafarroako Administrazio Auzitegiari zuzendua, hilabeteko epean, erabakia argitaratu edo errekurritu nahi den ekintza jakinarazten denetik hasita.

Gainera, epaimahaiaren egintzen aurka gora jotzeko errekurtsoa aurkezten ahalko da, Doneztebeko Udaleko alkate udalburuari zuzendua, hilabeteko epean, errekurritutako egintza edo erabakia jakinarazi ondotik.

Doneztebe, 2023ko ekainaren 14a.

Alkatea,
Leire Ortuoste Garcia.

ERANSKINA
ESKABIDE EREDUA

DATU PERTSONALAK:

Izen- abizenak:.....
NAN edo baliokidea: Jaiotze data:.....
Non jaioa:.....(.....) Nazionalitatea:.....
Helbidea:.....
Herria:.....Probintzia:..... Posta kodea:.....
Telefonoak:..... Posta elektronikoa:.....

ADIERAZTEN DU:

- Doneztebeko turismo bulegoetan publikoari arreta eta informazioa emateko langile bat kontratatzeko, aldi baterako lan kontratuekin, eta hautapen proben bitartez, deialdian eskatzen diren baldintza guzti-guztiak betetzen dituela, ezarritako denboran eta moduan.

- Deialdian parte hartzeko eskatutako dokumentazioa erantsi duela.

- Euskararen mailako ezagutza frogatzeari dagokionez (markatu bidezkoa dena):

- Euskararen C1 mailako ezagutza izatearen ziurtagiriaren kopia kautotua gehitzen diola eskabide honi.
- Euskararen C1 mailako ezagutza frogatzeko proba egitea eskatzen duela.
- Desgaitasuna duela eta, hortaz, behar dituen egokitzapenak eskatzen dituela, haietarako arrazoiak adierazita (beste orri batean zehaztuko dira eskatutako egokitzapenak eta eskaeraren arrazoiak).
- Desgaitasuna frogatzen duen dokumentazioa eransten duela, erakunde eskudunak emana.

Aipatu hautapen prozesuan onartua izatea ESKATZEN DU.

(Eguna eta sinadura)

Datuen babesa.–Datu Pertsonalak Babesteari eta eskubide digitalak bermatzeari buruzko abenduaren 5eko 3/2018 Lege Organikoan ezarritakoa betez, aditzera ematen zaizu inprimaki honetan ematen diren datu pertsonalak hautapen prozeduran Udalak dituen eskumenak erabiltzeko baizik ez direla erabiliko eta Udalaren datu basea osatzen duten fitxategiei batuko zaizkiela. Fitxategietan sartu, datuak zuzendu eta ezabatzeko eta horien aurka jotzeko eskubideak Erregistro Orokorrari zuzendurik erabiltzen ahalko dituzu.